

Cabeceira

A cabeceira da miña páxina web é o que está dentro da etiqueta **head** e en relación a ela é importante saber o seguinte:

- Todo o que vai dentro desa etiqueta non representa contido algún, é dicir, nada do que se pon se vai a ver no noso navegador.
- Contén outras etiquetas que nos van a axudar a dar una descrición da miña páxina.
- Pode conter ligazóns a follas de estilos e scripts.

Das etiquetas que pode conter a cabeceira destacaremos as seguintes:

- **title:** que nos serve para indicar o título da páxina que é o que se amosa na parte de arriba do navegador.
- **style:** que é unha etiqueta que me permite engadir estilos e que veremos con máis detenemento.
- **meta:** que é unha etiqueta que pode aparecer varias veces e con distintos atributos e que nos vai servir para dar unha descrición da páxina de diversas formas e maneiras.
- **link:** para enlazar con arquivos externos, normalmente follas de estilos.
- **base:** para indicar a ruta base para construír o resto das rutas a arquivos na miña páxina web.
- **script:** para engadir normalmente ficheiros javascript que doten de vida ou animación á miña web.

A etiqueta meta

É unha etiqueta moi importante xa que, aínda que non amose nada, describe a miña web e é, entre outras cousas, o primeiro que len tanto os navegadores como os buscadores.

Pode ter varias posibilidades, dependendo dos atributos que leve.

- **<meta charset="utf-8">** É o que poñeremos sempre para non ter problemas con caracteres “extranos” (acentos, ñ etc...) ou outros tipos de alfabetos. Define o xogo de caracteres.
- **<meta name="description" content=".....">** É o que incluiremos para engadir unha descrición sobre o que é a miña web. Ese texto descritivo irá no atributo **content**.
- **<meta name="keywords" content="...">** É o que incluiremos para categorizar os contidos da miña web. Por exemplo: **content="programacion,html,meta"**
- **<meta name="author" content="eu">** ;)
- **<meta name="viewport" content="width=device-width, initial-scale=1.0">** que é novo en HTML5 e que me asegura que a miña web escalará para adaptarse á pantalla do dispositivo. Isto, non obstante non asegura que se vexa ben.
- **<meta http-equiv="refresh" content="X">** refrescará a web cada X segundos. Pode ser interesante para amosar actualizacións automaticamente en páxinas que cambian , por exemplo, as de resultados deportivos.